

KAMPANJA „PAZI KAKO VOZIŠ“

Federalno ministarstvo unutrašnjih poslova i kantonalna ministarstva unutrašnjih poslova 1. decembra ove godine započeli su sa provođenjem zajedničke kampanje za poboljšanje sigurnosti saobraćaja pod nazivom «PAZI KAKO VOZIŠ».

„Svjedoci smo saobraćajnih nezgoda u kojima često stradaju mladi ljudi. Ovom kampanjom želimo uložiti dodatni napor u realizaciji cilja koji je određen u dokumentu «Polazne osnove strategije drumskog saobraćaja 2008.-2013.», a to je smanjenje broja poginulih za oko 5 % na godišnjem nivou, odnosno za 30 % do 2013. godine ili, preciznije, spašavanje više od 100 ljudskih života u narednih pet godina. Nadam se da će ova kampanja dati predviđene rezultate i da će spasiti makar jedan ljudski život“, istakao je federalni ministar Muhidin Alić prilikom pres-konferencije održane u Sarajevu.

Prema dogovorenom planu aktivnosti u ovoj kampanji, do 19. decembra u svim kantonima u FBiH održane su pres-konferencije kojima je zvanično obilježen njezin početak u tim kantonima.

Ovom kampanjom predviđeno je da u decembru težište bude na pres-konferencijama, te TV i radijskim gostovanjima radi promoviranja kampanje.

U januaru 2009. godine, kao drugom mjesecu kampanje, planirana je promocija materijala štampanih za ovu kampanju, održavanje predavanja, upozoravanje vozača na putevima širom FBiH i druge aktivnosti.

Kampanja traje do 31. januara 2009.